

410	kunde ir lîp vil wol gereizen. ir engesâhet nie âmeizen, diu bezzers gelenkes pflac, denne si was, dâ der gürtel lac:		
5	<b>D</b> az gab ir gesellen Gawane manlîch ellen. si tûwerte mit im in der nôt. sîn benantez gîsel was der tût unt anders dechein gedinge.		vil om. *G (nur GL) *T trûrte (rûrte I) *G (ohne OZ)
10	Gawanen wac vil ringe vîende haz, swenn er die magt erkôs. dâ von ir vil den lîp verlôs. Dô kom der kûnec Vergulaht. der sach die strîteclîchen maht		haz, dô er *G (nur G)
15	gegen Gawane kriegen. ich enwolt iuch denne triegen, sône mag ich in niht beschœnen, ern welle sich selben hœnen an sînem werden gaste.		ichne welle *G (nur G)
20	der stuont ze wer al vaste. Dô tet der wirt selbe schîn, daz mich riwet Gandin, der kûnec von Anschouwe, daz ein sô werdiu vrouwe,		
25	sîn tohter, ie den sun gebar, der mit ungetriwer schar sîn volc bat sêre strîten. Gawan muose bîten, unze der kûnec gewâpent wart.		unze daz der *T
30	er huop sich selbe an strîtes vart.		der h. *G (nur GI)

---

\*D: D \*m: m \*G: G I O L Z \*T: T U V

---

3 Initiale O L Z 5 Initiale D I 13 Initiale m T U · Majuskel D 17 Initiale V 19 Initiale I 21 Initiale D

---

1 vil] om. \*m 16 denne] gerne \*m